

Түлектер ҚазҰУ тынысымен танысты

Журналистика факультетінің түлектері Әл-Фараби атындағы Қазақ ұлттық университетіне келіп, қалашықты аралады. ҚазҰУ-ды осыдан 30 жыл бұрын бітірген түлектер арнайы ұйымдас-тырылған салтанатты шараға қатысты.

1986-1991 жылдар аралығында оқыған түлектермен кездесуіте олардың оқытушылары – ҚазҰУ-дың журналистика факультетінің профессоры, филология ғылымының докторы Н.Омашев, филология факультетінің профессоры Ө.Әбдіманов, журналистика факультетінің профессоры Д.Ысқақов, журналистика факультетінің доценті Т.Дүйсебаева келді. Жиында журналистика факультетінің оқытушылары мен деканы Н.Қуантаева сөз сөйлеп, 1986 жылғы Желтоқсан оқиғасымен тұста-тұс келген шақтарды еске алды.

Кейін түлектер журналистика факультеті мен кампусты, ҚазҰУ мұражайын, «Керемет» студенттерге қызмет көрсету орталығын және бес жыл оқыған кезде тұрған №5 жатақхана-ны аралады. Бүгінгі таңда №5 студенттер үйіне күрделі



жөндеу жұмыстары жүргізілген болатын. Әр қабатта ас бөлмесі, студенттерге қолайлы болу үшін сенсацияларда жұмыатын бөлме қарастырылған. Сонымен қатар барлық жиназдар жаңартылып, бөлменің дизайны өзгертілді.

Түлектер жатақханадағы өздері жатқан бөлмелерді аралап көріп, студенттік кездерін еске алды. ҚазҰУ-дың қазіргі келбетін өткен студенттік жылдармен салыстыра

отырып, кампустың жаңа түрге ие болғанын, күрделі жөндеуден өткен аудиториялар мен жатақханада ерекше атмосфера орнағанын атап өтті. Түлектер студенттерге көрсеткен қамқорлығы мен әлеуметтік жауапкершілігі үшін ҚазҰУ басшылығына ризашылығын білдіріп, жоғары оқу орнының барлық ұжымына табыс тіледі.

Нұрсұлтан БАЗАРБАЙҰЛЫ

ЮНЕСКО кафедраларының жұмыс кеңесі өтті

Әл-Фараби атындағы ҚазҰУ журналистика факультетінің Турақты даму бойынша ЮНЕСКО кафедрасының профессорлық-оқытушылық құрамы, Қазқ-неміс университетінде өткен «Қазақ-стандағы ЮНЕСКО-ның білім және ғылым сала-сындағы отбасы» тақырыбында ұйымдас-тырылған Қазақстан ЮНЕСКО кафедраларының I жұмыс кеңесіне қатысты.

Іс-шараға әлем бойынша ЮНЕСКО кафедраларының бағдарлама жетекшісі И.Н.Ишанян (онлайн, Париж, қ.), Қазақстан Республикасының ЮНЕСКО істері жөніндегі ұлттық комиссиясының бас хатшысы А.Байсабаева, ЮНЕСКО Кластерлік бюросының директоры М.Магнуссон (онлайн),



Германия Федеративтік Республикасының бас консулы В.Фауст, Ұлттық комитет төрағасының орынбасары Р.Мұзафаровтар қатысты.

ЮНЕСКО кафедралары мен орталықтары арасында тәжірибе алмасу платформа-сын ұйымдастыру мәселесі талқыланды. Қазақстандағы ЮНЕСКО-ның барлық кафедралары өз қызметі туралы баяндама жасады. Турақты даму бойынша ЮНЕСКО кафедрасының меңгерушісі Т.Базарбаева кафедра жұмысының бағыттарын, басты табысты жобаларын баяндап, 2022-2023 жылдарға жоспарланған іс-шаралармен таныстырды. Семинарға қатысушылар ЮНЕСКО-ның Орталық

Азия еңірі және бүкіл әлем бойынша кафедраларымен тиімді ынтымақтастықты ұйымдастыруға ортақ ниет білдірді. Қазақстанның барлық ЮНЕСКО кафедралары Париж қаласында ЮНЕСКО штаб-квартирасында 3-4 қара-шада өтетін ЮНЕСКО/UNITWIN бағдарламасының 30 жылдығына арналған халықаралық конференцияға шақырылды.

Ольга ЗУБОВА,
Турақты даму бойынша ЮНЕСКО кафедрасы меңгерушісінің ғылыми-инновациялық және халықаралық байланыстар бойынша орынбасары

Әл-Фараби атындағы Қазақ ұлттық университетінің «Керемет» студенттерге қызмет көрсету орталығында «Magnum Daily» сауда желісі ашылды. Енді қалашық жастары азық-түлік алу үшін сырттағы супермаркеттерге барып әуреленбейді. Жұмысын бастаған «Magnum» жастарға азық-түліктің аса ауқымды түрін ұсынады.

Студенттер қалашығында супермаркет ашылды



«Университетте сапалы әлеуметтік-мадени қызмет көрсету бойынша жұмыстар күшейтілуде. Бүгінгі «Magnum Daily» сауда желісінің ашылуы сол жұмыстың жалғасы. Бұл игіліктер университет ректоры Жансейіт Қансейітұлының бастамасымен жүзеге асты», – дейді Басқарма мүшесі – қаржылық қызмет жөніндегі проректор Калилла Абдуллаев.

Ашылу салтанатына қатысқан студенттердің бірі, механика-математика факультетінің 1-курс студенті Данагүл Адал бүгінгі ашылып жатқан «Magnum Daily» супермаркеті студенттер үшін тосын сый болғанын жеткізді.

«Супермаркеттің ашылуы біз үшін жағымды жаңалық. Мұнда қалашықтағы басқа дүкендермен салыстырғанда бағасы едәуір арзан. Сонымен қатар банк картонкасы арқылы да төлеуге болады», – дейді студент.

Айта кетейік, «Magnum Daily» супермаркетінде, ашылуына орай, тауарларға арнайы жеңілдіктер мен бонустық жүйе де қарастырылған.

Нұрсұлтан ЖЕКЕНБАЕВ



ҚҰРЫЛТАЙШЫ:

Әл-Фараби атындағы Қазақ ұлттық университеті

Әл-Фараби атындағы Қазақ ұлттық университетінің Басқарма Төрағасы – Ректоры **Жансейіт ТҮЙМЕБАЕВ**

Ақпарат және коммуникациялар департаментінің директоры **Қаншайым БАЙДӨУЛЕТ**

Бас редактор: Гүлнар ЖҰМАБАЙҰҚЫЗЫ

Жауапты хатшы-дизайнер: Талғат КІРІШБАЕВ

Тілшілер: Қайырмажан ТӨРЕЖАН, Гүлзаат НҰРМОЛДАҚЫЗЫ, Нұрбек НҰРЖАНҰЛЫ

Фототілші: Марат ЖҮНІСБЕКОВ

Корректор: Құлаш ҚАДЫРБАЕВА

МЕКЕНЖАЙЫ:

• 050040, Алматы қ., Әл-Фараби даңғылы, 71, ректорат, 3-қабат, №905, 307 бөлме. Байланыс телефоны: 377-33-90, ішкі: 32-28, факс: 377-31-48.

• Электронды мекенжай: kazuzeta@gmail.com

• Газет редакцияның компьютер орталығында теріліп, беттеледі. • Everest» баспаханасында басылды.

Мекенші редактор: Гүлнар НҰРМОЛДАҚЫЗЫ

Бағамы келісім бойынша. Газетке жазылу индексі: 64787 Тарапым – 1000

- Жарияланған мақалаларда автор пікірі редакцияның міндетіне білдірмейді.
- Редакцияға түскен қолжазба қайтарылмайды, үш компьютерлік беттен асып материалдар қайтарылмайды.
- «Қазақ үлкеніттегіне» жарияланған мақала көшіріліп басылса, сізге қосымша міндетті.
- Жарнама мәтініне жарнама беруші жауапты.

Газет 1994 жылдың 7 ақпанында Қазақстан Республикасының Баспасөз және Өнеркәсіптік Ақпарат Министрлігінде тіркеліп, № 1242 нұсқаді берілген